



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON

OPĆINSKI SUD U ZENICI

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ЗЕНИЧКО-ДОБОЈСКИ КАНТОН

ОПШТИНСКИ СУД У ЗЕНИЦИ



PRAVILA O PROVJERI ZNANJA

(provjera znanja za rad na računaru i brzine i tačnosti kucanja)

kandidata koji se prijavljuju na radno mjesto „viši referent-sudski asistent-daktilograf“

Zenica, decembar 2020.godine

1812 - 20
Broj : 043-0-Su-1-001531+
Zenica, 15.12.2020.godine

Na osnovu člana 31. Zakona o sudovima u Federaciji Bosne i Hercegovine („Službene novine Federacije Bosne i Hercegovine“, broj:38/05,22/06,63/10,7/13 i 52/14) predsjednica Općinskog suda u Zenici Dženana Brković donosi

PRAVILA O PROVJERI ZNANJA

(provjera znanja za rad na računaru i brzine i tačnosti kucanja)
kandidata koji se prijavljuju na radno mjesto „viši referent-sudski asistent-daktilograf“

Član 1.

- (1) Ovim Pravilima se uređuje prethodna provjera osposobljenosti kandidata za rad na radnom mjestu „viši referent-sudski asistent-daktilograf“, način provjere i druga pitanja od značaja za prijem u radni odnos na ovo radno mjesto.

Član 2.

- (1) Prethodna provjera radnih sposobnosti prijavljenih kandidata sa Liste kandidata koji ispunjavaju sve uslove internog ili javnog oglasa sastoji se u sljedećem:
 - provjera poznavanja rada na personalnom računaru,
 - diktat,
 - obavljanje razgovora sa svakim kandidatom (intervju).

Član 3.

- (1) Provjeru znanja i drugih sposobnosti iz člana 2. vrši komisija od tri (3) člana koju imenuje predsjednica suda u skladu sa odredbom člana 22.Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj:49/05).
- (2) Jedan član komisije iz stava (1) je obavezno zaposlenik koji radi na informacionim i komunikacijskim tehnologijama (IKT službenik).

Član 4.

- (1) Poznavanje rada na personalnom računaru obuhvata provjeru znanja o osnovama PC računara i operativnog sistema MS Windows i pisanje i obrada teksta u text editoru.
- (2) Testiranje se obavlja praktičnim radom na računaru i traje trideset (30) minuta.

Član 5.

- (1) Diktat se obavlja pojedinačno ili po grupama sa identičnim tekstom za sve kandidate koji pristupe testiranju i traje pet (5) minuta..

Član 6.

- (1) Zadaci na testu boduju se prema kategoriji složenosti zadatka.
- (2) Kategorije složenosti zadataka kreću se u rasponu od I do V, pri čemu su zadaci kategorije I najjednostavniji, a zadaci kategorije V najsloženiji.
- (3) Kriterij ocjenjivanja:
 - Zadaci iz poznavanja rada na računaru kategorije I nose po 0,2 bodova,
 - Zadaci poznavanja rada na računaru kategorije II nose po 0,5 bodova.
 - Zadaci poznavanja rada na računaru kategorije III nose maksimalno 1 bod, a svaka greška nosi negativnih 0,2 bodova.
 - Zadatak kategorije IV nosi maksimalno 5 bodova na osnovu urađenog prepisa teksta koji je dat u testu, a svaka greška u prepisu teksta nosi negativnih 0,5 bodova.
 - Zadatak kategorije V diktiranje teksta nosi maksimalno 10 bodova, a svaka greška u diktatu teksta nosi negativni 0,2 bodova.

Kao pogreška u kucanju smatra se:

- pogrešno otkucano slovo,
- suvišno ili ispušteno slovo,
- suvišan ili ispušten razmak,
- suvišna ili ispuštena riječ pri čemu se svaki karakter računa kao greška,
- ponovljen ili ispušten red,
- svaka pogreška u pravopisu,
- zamjena slova ili permutacija brojeva.

Na kraju urađenog testiranja komisija boduje test (zbroji bodove iz tri oblasti) i dobije konačan broj ostvarenih bodova po svakom testiranom kandidatu.

Kandidat na testiranju može ostvariti maksimalno devetnaest i devedest/100 (19,9) bodova i to:

- poznavanje rada na personalnom računaru maksimalno devet i devedeset/100 (9,9) bodova,
- diktat maksimalno deset (10) bodova.

Član 7.

- (1) Na osnovu rezultata testiranja, a primjenom kriterija iz člana 6.ovih Pravila komisija sačinjava listu kandidata najkasnije u roku od pet (5) dana od završenog testiranja koja se objavljuje na oglasnoj tabli suda ili drugi prikladan način.
- (2) Kandidat koji smatra da mu nije pravilno obračunat broj otkućaja ili da su nepravilno obračunati negativni bodovi ima pravo prigovora u roku od tri (3) dana od dana izvršenog uvida u test.
- (3) Prigovor se podnosi komisiji koja odlučuje o prigovoru u roku od tri (3) dana od dana podnošenja prigovora.

Član 8.

- (1) Komisija će, sa svim kandidatima sa konačne liste, obaviti usmeni razgovor (intervju) na kojem će se procijeniti radna sposobnost kandidata za uspješno obavljanje poslova radnog mjesta daktilografa pri čemu će se cijeliti :

- razlog prijave i motiviranost,
- predznanje o poslu,
- sposobnost komunikacije,
- rad sa strankama,
- rad na ročištima i pretresima,
- mogućnost rada u dežurstvu (poslije radnog vremena, vikendom, praznicima i sl.).

(2) Intervju se sastoji od šest (6) pitanja uz mogućnost postavljanja dodatnih potpitanja. Odgovore na svako pitanje, svaki član komisije ocjenjuje ocjenom od jedan (1) do pet (5). Maksimalan zbir ocjena po ocjenjivaču iznosi trideset (30).

Na kraju intervjua zbroji se zbir ocjena svakog člana komisije. Zatim se taj ukupni zbir podijeli sa trideset (30) i dobije broj ostvarenih bodova po svakom kandidatu.

(3) Kandidat na intervjuu može ostvariti maksimalno tri (3) boda.

(4) Protiv ocjene iz stava (3) ovog člana kandidati ne mogu ulagati prigovor.

Član 9.

(1) Konačan broj bodova koji je kandidat ostvario na provjeri osposobljenosti za rad na radnom mjestu „viši referent-sudski asistent-daktilograf“ dobije se zbirom bodova ostvarenih na testiranju i intervjuu.


Maksimalan broj bodova koji kandidat može ostvariti je dvadesetdva i devedeset/100 (22,9) bodova.

Član 10.

(1) Nakon obavljenog postupka utvrđenog u članovima 7. i 8 ovih Pravila komisija postupa u skladu sa odredbama člana 22. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“, broj:49/05):

Član 11.

- (1) Ova Pravila o provjeri znanja (provjera znanja za rad na računaru i brzine i tačnosti kucanja) stupaju na snagu danom donošenja.
- (2) Stupanjem na snagu ovih Pravila, prestaju da važe Pravila ovog suda o provjeri znanja (provjera znanja za rad na računaru i brzine i tačnosti kucanja), broj 043-0-Su-19-001531 od 03.12.2019.godine.



PREDSJEDNICA SUDA

Dženana Brković